

欽定石渠寶笈續編

欽定石渠寶笈續編

第三

乾清宮藏

三

皇上御筆書畫

三

御筆庚子見梅詩

一軸

〔本幅〕蠟牋本。縱五尺八寸六分。橫二尺八寸。
行書

昨日見梅蕊盆中。今日見梅湖石畔。盆中本是
出熏難。石畔由來自開燦。人力定應輸天然。勃

來春意誰得。浪輕寒。雖與勒梢頭。彈綠暈紅三
兩綻。隣仙體質超塵姿。詩品恰如出精練。徐徐
可耳。漫昌昌。江國行當待吟判。見梅一首。庚
子仲春月上澣。御筆。鈐寶二。古稀天子之寶。猶
日孜孜。

鑒藏寶璽五福五代堂古稀天子寶八徵耄念之
寶石渠寶笈所藏。

御筆庚子聞見詩 一軸

〔本幅蠟牋本縱五尺八寸六分橫二尺八寸〕

行書。

黑鳥乃白項時於湖岸看伊犁亦云有聞之語
非謾南北相去萬餘里而何物類似合卷其間
北地如塞上於燕齊同誰曾見物物格之實難
通紫陽於此其奚辨燕丹仰天竟有之莫怪馬
遷好奇幻 聞見一首庚子仲春月中澣御筆

鈴寶二。古稀天子之寶。猶日孜孜。

鑒藏寶璽。五福五代堂古稀天子寶。八徵耄念之
寶。石渠寶笈所藏。

御筆讀宗澤忠簡集

一冊

〔本幅〕做金粟牋本。十六幅。縱七寸六分。橫八寸二分。行書。

讀宗澤忠簡集。偶閱宗澤忠簡集。愛其乞回鑒諸疏。不忍釋手。既終卷。乃知章凡二十四上。而高宗漠然也。夫南渡去今六百餘年。讀其疏者。未嘗不嘉其血誠。賞其卓識。歎其孤忠。欲為墮淚。而彼時為之君者。聽宵小深入之言。懷優

游苟安之計。屏之而弗顧。是尚得為有人心者
哉。以致捐中原。棄赤子。謬曰我終能延趙氏一
脈於餘杭。嗚呼。人而至此。是誠不知有五倫之
事。而天良喪盡者矣。雖汪黃謬論有以懾之。使
高宗無偏安之心。有必為之志。亦焉能動聽。則
後之秦檜倡和議而稱一德。亦必有以早窺其
心曲也。或曰宗澤之心雖誠。以彼時南北之勢
較之金源之釁。其真可乘。河北之民之心。其有

可信乎。則興復之舉。固未易言也。曰然。復讐其要也。興復其次也。不共戴天。不反兵。高宗於此。蓋兩兼之矣。徒跣以從。不顧一己之成敗利鈍。可也。而居臨安。翫湖山。稱姪於讐。以徒得歸葬之骸骨。是誠何人哉。嘗謂人君者。

天之子也。俗云子雖不肖。父不可不慈。予則謂天之於天之子。子雖不肖。

父不忍不慈。遠固不可枚舉。近則於宋元明見之矣。

元得統甫八十年。立國之模。無足比數。若宋南渡以後。有明正嘉。以施其綱紀。陵夷政事。叢脞早應滅亡。而不即亡者。豈非

天父有不忍不慈之心。而尚為之苟延其世。以待其悛改乎。然此不可恃也。大君者。父母之宗子。而黎元者。均之一家內之人也。今持家者。苟不顧一家之人。使之顛連而無告。則其父母未有不怒。怒而教。教而不改。其父母亦必有以處之矣。

為君者之於民亦猶是也。嗚呼可不慎哉可不
懼哉。是篇為丁酉所作。因臨幸西湖。為高宗
昔日流連晏安。而忘恢復之所。故手書一通。泐
石湖上。以為萬古君人者之鑒。庚子暮春月。并
識。鈐寶二。古稀天子之寶。猶日孜孜。

鑒藏寶璽。古希天子。五福五代堂古稀天子寶。八
徵耄念之寶。石渠寶笈所藏。

御筆庚子中秋日詩

一紙

(本幅)蠟牋本。縱六尺五寸。橫二尺八寸五分。
行書。

細雲閣雨歷終朝。傍晚翳氛喜淨消。萬里陰晴
同此日。十分圓滿又今宵。平鋪塞宇全無滓。朗
燭鍾峰不待招。林外鹿鳴纔遞響。訝疑何處玉
人簫。庚子中秋日作。御筆。鈐寶二。古稀天子
之寶。猶日孜孜。

鑒藏寶璽石渠寶笈所藏。

御臨王羲之遊目帖

一軸

〔本幅〕粉牋本。縱五尺。橫二尺八寸。草書。

臨王羲之遊目帖。

見本處所藏御臨王帖冊。

款

庚子孟冬月中澣。御臨。鈐寶二古。稀天子之寶。猶日孜孜。

〔鑒藏寶璽〕石渠寶笈所藏。

御筆畫並蒂牡丹

一軸

〔本幅〕宣德牋本。縱三尺二分。橫一尺六寸。水墨畫瓶中牡丹。分頭並蒂。并題。

一枝頭上開雙朵。分蒂連芳各鬥妍。背面莫猜
類相妬。本同根也詎其然。芙蓉多矣詠雙頭。
屈指鼠姑鮮句酬。却獨東坡更饒一。三珠祇合
在三洲。君子奚當隱逸否。居然富貴號真宜。
設更姊妹徵名氏。宜主身傍合德隨。瓊花當

日紀春明。聞說移根自洛京。三月瑞呈廣寒殿。
依稀得句有懷英。辛丑清和月寫。並題鈴寶
五。古稀天子之寶。猶日孜孜扇以淳風。新藻發
春妍。寓意真可人。

鑒藏寶璽石渠寶笈所藏。

御筆仿孫克宏盆蘭 一軸

〔本幅宣紙本。縱二尺七寸。橫一尺五寸。水墨畫盆中蘭石。并題〕

冬居例用還法宮。近喜甘玉尺。澤蒙宵長數點漏聲下。雪居圖展消清夜。題辭竭爾憶舊臣。不殊昔日前席者。因之故筆仿孫為。幾朵吐芬幾葉灑。亞盆亦植有溫蘭。是一是二沒握把。却惜難呼圖裏人。通句顏書為賡寫。辛丑嘉平偶

仿孫克宏盆蘭。仍用張照題是畫韻成什書幀中。並錄今秋用照韻題是畫詩於左。

侍臣昔扈

避暑宮。露蘭同一

湛恩蒙。寢門外或坐其下。癸卯迴思塞山夜甲辰藝蘭未放英。獨展是圖為伴者。花有花無三年中。幻夢醒時意灑灑。即今畫早辭天瓶。却入西清供吟把。天子多事復何為。題句更摹粉本寫。

鈴寶五。古稀天子之寶。猶日孜孜。意在筆先。稿
藻為春。涉筆偶值幾閒。

鑒藏寶璽。古希天子。石渠寶笈所藏。

御筆避暑山莊後序 一卷

〔本幅〕宋牋本。縱九寸一分。橫五尺五寸。行書。
避暑山莊後序。我

皇祖於辛卯年。成此避暑山莊三十六景。繪圖賦什
為序以行之。而予適生於是年。此中因緣。不可
思議。即位後。於辛酉年。始為巡狩之舉。至山莊。
徘徊思慕。因敬依

元韻。以誌景仰。甲戌年。又增賦三十六景。蓋以

皇祖昔曾題額。而未經入圖。及余遊覽所至。隨時題額。補定者。總弗出。

皇祖舊定之範圍。故永恬居之詩曰。已是洞天傳玉簡。得教福地續琅書。永恬居。即

皇祖御書也。

御序至矣。盡矣。茲後序何為而作。蓋予之生年既同山莊。而予之侍

皇祖適以壬寅。而今歲又恰當壬寅。六十餘年蘊於

深衷者。不可以不明白宣示。以自戒已者。戒我
後人耳。夫居此山莊。日凜敬。

天法

祖勤政惠民。柔遠寧邇。諸大端見之詩文者。不知凡
幾。何尚有未宣之深衷乎。無而謂有。是欺已。有
而弗宣。是欺人。我

皇祖建此山莊。所以詰戎綏遐。崇樸愛物之義。見於
御製序中。意深遠也。是以

皇考十三年之間。雖未舉行此典。常

面諭曰。予之不往避暑山莊及木蘭行圍者。蓋因日
不暇給。而性好逸。惡殺生。是予之過後世子孫
當遵

皇考所行。習武木蘭。毋忘

家法。煌煌

聖訓。予與和親王及爾時軍機大臣。實共聞之。而今
皆無其人矣。予如不言。後更無知

皇考聖意者。又數年來日涉成趣。於向所定景外。不
無建置。如創得齋戒得堂之類。不下二十處。既
見之。昨歲知過之論矣。而予之意猶有未盡者。
亦不可不宣示後人也。蓋漢唐以來。離宮別苑。
何代無之。然不過費人財。逞己欲。其甚者。乃至
破國忘家。是可戒。無足法也。若今之山莊。乃在
關塞之外。義重習武。不重崇文。而今則升府立
學。駸駸乎崇文矣。然杜甫所云將軍不好武。稚

子總能文之句。余常駁之。以為各有其地其職也。設衆人遂以此為美。亦美中之不足矣。又扈蹕之衆。歷數月于後。采薇出車。古人所以恤下。此亦不可不念。俾人知其所繫者大。且時加惠賜焉。則勞而不怨。若圖已樂而忘人苦。亦非仁人之所為也。若夫崇山峻嶺。水態林姿。鶴鹿之遊。鳶魚之樂。加之巖齋溪閣。芳草古木。物有天然之趣。人忘塵世之懷。較之漢唐離宮別苑。有

過之無不及也。若耽此而忘一切。則予之所為
羶薌山莊者。是設陷穽。而予為得罪。

祖宗之人矣。此意蓄之久而不忍言。今老矣。終不可
不言。故書之。既以自戒。仍敬告我後人。若後人
而忘予此言。則與國休戚相關之大臣。以及骨
鯁忠直之言官。執予此言以諫之。可也。諍諫而
不從。或且罪之者。則是。

天不佑我國家。朕亦無如之何也已矣。
壬寅孟秋

下澣山莊御筆。鈐寶三。意在筆先。古稀天子之寶。猶日孜孜。

引首

御筆。謨承締構。鈐寶一。乾隆御筆。

鑒藏寶璽。古希天子。八徵耄念之寶。靜中觀造化。箇中自有玉壺冰。體道粹涵養。正有同春。用筆在心。寫心寓意于物。妙意寫清快。朝日輝天地。為師。衆花勝處松千尺。半榻琴書石渠寶笈所。

藏。

御筆重刻

五朝冊寶尊藏

太廟禮成諭 一冊

〔本幅〕宣德牋本。十對幅。每幅縱一尺三分。橫如之。行楷書。

重刻

五朝冊寶尊藏

太廟禮成諭 朕承

上蒼眷佑。

列聖垂庥。平伊犁。定回部。闢疆二萬餘里。回子伯克
盡為臣僕。和闐良玉。充貢內廷。敬維

太廟尊藏。

五朝冊寶。係隨時鑄造。玉色長短。未能一律。用是選
擇精瑯。特派大臣董率敬造。

五朝冊寶全分。以今歲孟冬時享。恭奉入
廟。舊有

冊寶送至盛京

太室尊藏玉檢金繩虔申

對越聿昭我

祖

宗功德之成於萬禩甚鉅典也所有恭造餘存未鐫
各分朕親加檢閱其玉色與

五朝冊寶相符者均編為廟字號嗣後有舉行冊寶
入廟之事概用此玉以昭畫一其玉色較白而

未能一律者。另編為喜字號。將來朕歸政後。嗣位之皇子。崇上尊稱。即將此玉成造冊寶。並嗣後皇孫曾元仍輩。有承事東朝尊崇徽號者。皆以此等喜字號玉。一體呈用。永為定制。洪惟我

列祖

列宗。荷

天之寵重。熙累洽。勤求治理。不敢康寧。用克上協天心。暨於朕躬。續緒承庥。撫有方夏。弗懈益虔。克集

大勲。版圖式廓。迄今年逾古稀。猶日孜孜。益不敢不敬。

天益不敢不勤民。自新疆底定以來。伊犁將軍及駐劄大臣。盡皆恪遵功令。撫綏安輯。仰體朕一視同仁德意。新疆萬里。無不安居樂土。効悃抒忱。即有一二滋事之臣。如素誠高樸者。皆不旋踵而敗露治罪。不動聲色。力加整飭。俾享安全。是以回部伯克內。如色提巴爾第。鄂斯滿等。久在

乾清門行走。竭誠供役。與內地臣民無異。其派
令採玉者。亦皆歡欣踴躍。共效子來。我子孫繼
序繩承。敬瞻

冊寶當益凜

天命之難謫。知守成之不易。聯內外以同心。設或稍
存怠忽。所用非人。以致撫馭失宜。則和闐珍產
未必能源源而至。又或意存徵索。苛求苦累。則
不惟玉不可得。而且別啟事端。其所關係甚大。

思艱圖易。可不慎乎。可不戒乎。用是諄切訓諭。
面命耳提。我子孫當以朕此心為心。凝承

鴻貺。篤念

前徽永存。無疆之恤。以保無疆之庥。庶無負朕反覆
教誡之至意。此旨著錄三通。一存內閣。一存尚
書房。一存內務府。其敬承無斁。欽哉。乾隆四
十七年。歲壬寅。孟冬朔日。御筆鈐寶二。古稀天
子之寶。猶日孜孜。

鑒藏寶璽古希天子五福五代堂古稀天子寶八
徵老念之寶石渠寶笈所藏

御筆文淵文源文津文溯閣記 一冊

〔本幅〕金粟牋本。十六對幅。每幅縱八寸。橫四寸九分。行書。

御製四閣記。

文淵閣記。國家荷

天庥。承

佑命。

重熙累洽。同軌同文。所謂禮樂百年而後興。此其時

也。而禮樂之興。必藉崇儒重道。以會其條貫。儒與道匪文莫闡。故予蒐四庫之書。非徒博右文之名。蓋如張子所云。為

天地立心。為生民立道。為往聖繼絕學。為萬世開太平。胥於是乎繫。故乃下明詔。勅岳牧訪名山。搜祕簡。并出天祿之舊藏。以及世家之獨弄。於是浩如淵海。委若邱山。而總名之曰四庫全書。蓋以古今數千年。宇宙數萬里。其間所有之書。雖

影。都不出四庫之目也。乃掄大臣。俾總司命翰
林。使分校。雖督繼晷之勤。仍予十年之暇。夫不
勤則玩日愒時。有所不免。而不予之暇。則又恐
欲速而或失之疎畧。魯魚亥豕。因是而生。語有
之。凡事豫則立。書之成。雖尚需時日。而貯書之
所。則不可不宿構。宮禁之中。不得其地。爰於文
華殿後。建文淵閣。以待之。文淵閣之名。始於勝
朝。今則無其處。而內閣大學士之兼殿閣銜者。

尚存其名。茲以貯書所為名實適相副。而文華殿居其前。乃歲時經筵講學所必臨。於以枕經。昨史鏡已牖民後世子孫。奉以為家法。則予所以繼繩。

祖考覺世之

殷心。化育民物。返古之深意。庶在是乎。庶在是乎。閣之制。一如范氏天一閣。而其詳則見於御園文源閣之記。

文源閣記 藏書之家頗多。而必以浙之范氏天一閣為巨擘。因輯四庫全書。命取其閣式。以構庋貯之所。既圖以來。乃知其閣建自明嘉靖末。至於今二百一十餘年。雖時修葺。而未曾改移。閣之間數。及梁柱寬長尺寸。皆有精義。蓋取天一生水。地六成之之意。於是就御園中隙地。一倣其製。為之名之曰文源閣。而為之記曰。文之時義大矣哉。以經世。以載道。以立言。以牖民。

自開闢以至於今。所謂天之未喪斯文也。以水
喻之。則經者文之源也。史者文之流也。子者文
之支也。集者文之派也。派也支也流也。皆自源
而分。集也子也史也。皆自經而出。故吾於貯四
庫之書。首重者經。而以水喻文。願溯其源。且數
典天一之閣。亦庶幾不大相徑庭也夫。

文津閣記 輯四庫全書。分為三類。一刊刻。一
抄錄。一祇存書目。其刊刻者。以便於行世。用武

英殿聚珍版刷印。但邊幅頗小。爰依永樂大典之例。槧行抄錄正本。備天祿之儲。都為四部。一以貯紫禁之文淵閣。一以貯盛京興王之地。一以貯御園之文源閣。一以貯避暑山莊。則此文津閣之所以作也。蓋淵即源也。有源必有流。支派於是乎分焉。欲從支派尋流。以溯其源。必先在乎知其津。弗知津則躡迷途而失正路。斷港之譏。有弗免矣。故析木之次麗乎天。龍門之名

標乎地是知津為要也。而劉勰所云道象之妙
非言不津。津言之妙。非學不傳者。實亦先得我
心之所同然。夫山莊居塞外。伊古荒略之地。而
今則閭閻日富。禮樂日興。益茲文津之閣。貯以
四庫之書。地靈境勝。較之司馬遷所云名山之
藏。豈啻霄壤之分也哉。

文溯閣記。輯四庫之書。分四處以庋之。方以
類聚。數以偶成。文淵文源文津三閣之記。早成。

則此文溯閣之記亦不可再緩。因為之辭曰：權輿二典之贊堯舜也。一則曰文思。一則曰文明。蓋思乃蘊於中，明乃發於外，而胥藉文以顯文者，理也。文之所在，天理存焉；文不在斯乎？孔子所以繼堯舜之心傳也。世無文，天理泯而不成，其為世夫豈鉛槧簡編云乎哉？然文固不離乎鉛槧簡編以化世，此四庫之輯所由亟亟也。茲則首部告成，綱紀已定，與之暇以究其核督。

之勤以防其忽。乙夜幾暇。亦疊披覽。怪僻側艷。滌濯剗礪。犁然理明。裒然文顯。所餘三部。惟鈔胥之事。然而豕亥陶陰。猶不可不校讐也。四閣之名。皆冠以文。而若淵若源若津若溯。皆从水以立義者。蓋取范氏天一閣之為。亦既見於前記矣。若夫海源也。衆水各有源。而同歸於海。似海為其尾。而非源。不知尾閭何洩。則仍運而為源。原始反終。大易所以示其端也。津則窮源之

徑而溯之。是則溯也。津也。實亦追源之淵也。水之體用如是。文之體用。顧獨不如是乎。怡於盛京。而名此名。更有合周詩所謂溯澗求本之義。而予不忘。

祖宗創業之艱。示子孫守文之模。意在斯乎。意在斯乎。四閣之記。文淵文源文津。作於甲午。文溯則至壬寅始成。既分書為卷。各貯其處。茲全書四記合為一冊。以識歲月。癸卯長至之月。御筆。

分鈐寶書史研求遵古訓乾隆樂萬民之所樂
天地為師洗盡塵氛爽氣來入眼秋光盡是詩
乾隆宸翰學鏡千古古稀天子之寶猶日孜孜
鑒藏寶璽古希天子五福五代堂古稀天子寶八
徵耄念之寶石渠寶笈所藏

御筆甲辰雨前茶詩一軸

〔本幅蠟牋本。縱五尺八寸六分。橫二尺八寸。〕
行書。

穀雨前之茶。恒為世所珍。巡蹕因近南。驛貢即
已臻。計其採焙時。雨水以後旬。穀雨早月餘。而
尚未春分。欲速有如此。風俗安得醇。更憶夷中
詩。可憐我窮民。尚茶供三清。不忍為沾脣。右
雨前茶一首。甲辰仲春下澣。御筆鈐寶二古稀。

天子之寶。猶日孜孜。

鑒藏寶璽五福五代堂古稀天子寶。八徵耄念之
寶。石渠寶笈所藏。

御筆南巡律詩

二十冊

〔本幅〕宣紙本對幅縱一尺橫五寸八分行書
每幅

南巡

御製五七言律詩一首末行注題第一冊三十九

幅辛未五言自趙北口行宮第一首至紅杏

園計七十七首

見

御製詩二集

御末對幅

御識

南巡典凡四舉。每次所作七律一體。已各彙寫成冊。裝弄石渠。茲復訪其例。輯五律書之。計辛未所得者七十七首。雖未及七律之半。而行慶承

歡諸大端。亦畧具梗概。可以參觀。若劉昭禹所云四十賢人。則又當分別體驗耳。丁亥夏御識 第二冊三十四幅。辛未七言自良鄉行宮侍

皇太后宴兼陳火戲至平望計六十八首

見御製詩二集

第三冊三十幅。辛未七言。自入浙江境至恭奉

皇太后南巡迴鑒之作。計五十九首。

見御末對製詩二集

幅

御識

子敬繩

祖武六舉南巡。自丁丑迄甲辰。五次途中所成七律

均彙寫分帙裝弄。惟辛未七律。別書小冊。茲一

例錄之凡百廿有七首。展開之餘不啻藹然與
東南士民重晤也。乙巳仲冬御識。第四冊二

十四幅。丁丑五言自宏恩寺第一首至開元

寺詠古計四十八首。

見

製詩二

集

第五冊十九

幅。丁丑五言自賜浙江巡撫楊廷璋至駐蹕

趙北口第二首計三十七首。

見

製詩二

集

末對

幅

御識

丁丑南巡五律較辛未贏十之二亦猶七律之
遞加於前蓋掖

輦行慶民情瞻覲日親而風景物宜亦倍諳悉即事
拈詠興寄自增非欲誇多於篇什間也書竟並
詳如右丁亥七月下澣御識 第六冊三十三

幅丁丑七言自駐蹕良鄉行宮至山塘策馬

計六十六首

見御
識詩二集

第七冊三十三幅丁

丑七言自曉發蘇州至南巡迴鑾駐蹕圓明

園之作計六十三首

見

興詩二集

御

末三對幅

御識

自辛未南巡後將以丙子春舉五載一巡之典
值先秋偏災中止既而歲大稔聿以丁丑春時
邁觀風歷燕趙齊魯踰淮渡江弭節姑蘇錢塘
江寧諸省治迴蹕籌河至彭城取道曲阜登泰
山而旋啓鑾於孟春之旬有一日訖孟夏廿有
六日還都。是役也。揚

祖烈奉

慈歡察吏觀民間俗咨政慶惠行馬河防飭馬調卹
徧馬間以餘暇對時撫景攬古興吟往返途次
得詩六百餘首唐律長句居十之二幾餘手書
分上下二冊以備省覽雖拈一體已示全提欲
悉衆觀具存正集御筆并識第八冊四十六
幅壬午五言自郊臺至新城道中作計九十

一首

見

製詩三集

御

末對幅

御識。

每清蹕南莅。諸政典悉視前巡。而幸鹽官。閱海塘。則自壬午始。安瀾園六律。所以增於曩時也。至若省方觀風。臚歡祝。

嘏。即景藹然可述。隨所詠。依次錄之。匪第攬景光。愜潯豫而已。戊子仲夏御識。第九冊。三十五幅。

壬午七言。自駐良鄉行宮。疊舊作韻。至駐蹕。

靈巖。再疊舊作韻。計七十首。

見御製詩三集

第

十冊三十六幅。壬午七言。自鄧尉梅事未盛。因而有會點筆成章。至南巡迴鑒駐蹕圓明園作。計七十首。見製詩三集末二對幅。

御識

辛未丁丑一再舉南巡省方觀民諸大政式循祖訓慶賜並行。茲壬午三莅江浙具如前典而親臨海塘籌畫則向所未及者至命親藩扈奉

慈闈由水程旋蹕以適

安豫亦自今歲始。總途次所得詩。積盈二帙而七言
長律計凡一百四十首。書之於冊。用備省覽。亦
仿前巡例也。御筆並識。第十一冊二十一幅。

乙酉五言。自過盧溝橋至杏。計四十二首。見

御製
詩三集

第十二冊二十六幅。乙酉五言。自

蘇州啓蹕作至曉涼計五十首。

見

御製詩三集

末

二對幅。

御識

觀風南國至乙酉蓋四莅矣水土物宜供詢覽
者益以悉。衡歌棹謳抒悃忱者益以摯。洵足
輿歡以洽。

慈豫眺聽所及輒復宣之吟詠即五律一體亦羸於
前巡其間景仰

祖烈恭膺繼聲者不啻至於三四而即境有會自繹
前題亦往往層見迭出彙錄既歲因識大凡他
日展冊欣對恍然民情依戀之切時相遇於佳

山水間又豈惟卷阿之矢音自南已耶戊子仲夏御識第十三冊三十六幅乙酉七言自良鄉行宮恭奉

皇太后觀燈火至閔海塘再疊舊作韻計七十二首

見御製詩三集

第十四冊二十六幅自至杭州

詩

皇太后行宮問安有作至南巡迴鑾駐蹕御園之作

計七十一首

見御製詩三集

末對幅

御識

乙酉春復莅江浙南巡之典至是凡四舉繩

祖武咨民瘼行愛惠奉

慈娛視昔惟備迴鑾舟行至德州遵陸則凡漕渠隄
牕前所未經者並得周覽矣蹕途隨事吟紀得
七言律一百四十三首依前彙錄成帙以誌省
風盛典云御筆并識第十五冊四十八幅庚
子五言自過盧溝橋至五月初四夜雨計九

十五首

見

製詩四集

御末對幅

御識

庚子上辛禮歲五舉南巡望幸輿情歷有年歲
其忭躍有倍殷於疇曩者真安保乂嘉與吏民
相勛於淳風焉凡觀省所周得五律九十有五
首彙錄成帙非徒賡繼前吟亦以紀展義之實
孟秋中幹御識第十六冊四十幅庚子七言
自良鄉行宮觀烟火至獅子林再疊舊作韻

計八十首

見御製詩四集

第十七冊四十一幅

庚子七言。自虎邱雲巖寺至南巡迴蹕駐御

園之作。計八十首

見御製詩四集

末二對幅

御識

庚子春五巡江浙距乙酉十五年矣瞻就之情

益親慶惠之施惟備凡江河湖海無不親履咨

籌以資鞏衛而仰承

靈貺。迅奏合龍有莫之為而為者故紀實矢音亦

加羸於昔至如景

祖烈觀民風課雨問晴戒奢從儉或依律繼聲或繼
懷即境則今昔所遇之不同也七律一體得百
六十首從向例手錄一通以誌樂陽令典庚子
秋孟御筆并識第十八冊四十九幅甲辰五
言自郊臺至喜雨計九十七首

見
製詩五集
御末

對幅

御識

甲辰孟春六舉南巡。自發軔以迄旋蹕。凡劄農
察吏。籌政施惠者。仰繩

祖武。歲事攸宜。即事抒情。得五律九十七首。如往例

彙錄成冊。非以玩物華侈藻詠也。清和下澣。御
識。第十九冊四十一幅。甲辰七言。自降旨寬

免直隸民欠倉穀詩以誌事。至題玉蘭堂計

八十二首。

見御製詩五集

第二十冊三十六幅。

甲辰七言。自入浙江境至南巡迴蹕至御園

之作計七十一首。

見

製詩五集

御末對幅。

御識

甲辰歲南巡六度之典既畢歲駕迴御園敬惟
昊貺頻仍得五世元孫之喜形諸篇什尤為欣幸七
律得百五十三首彙錄成冊以誌歲時清和月
下澣御識 每幅分鈐寶乾隆古稀天子之寶
猶日孜孜吟詠春風裏即事多所欣乾隆宸翰
書史研求遵古訓含味經籍觀書為樂成性存

存。落花滿地皆文章。學鏡千古。正有同春用筆。
在心。虛衷澂照。意在筆先。天地為師。取益在廣。
求。衆花勝處松十尺。几席有餘香。人情為田。筆。
花春雨。游六藝圃。叢雲半榻。琴書垂露。寓意于。
物。澂芳潤。讀書依竹靜。靜中觀造化。至味寓澹。
泊。樂意寓靜觀。含英咀華。寫生。幾暇臨池。扇以。
淳風。保泰。體仁。得象外意。如水如鏡。烟雲舒卷。
寫心。繪月有色。水有聲。水月兩澂明。研露。萬舍。

經訓中和絜矩。涵虛朗鑒。松竹一庭。道心清心。
抒妙理。莊敬日強。化工四氣為全施。妙意寫清。
快。潑墨大塊假我。以文章。見天心。筆端造化齊。
物。典學勤政。修辭立誠。日監在茲。朝日煥秀色。
入牕虛。

前副葉

御筆

風企揮絃

第一

省方入律

第二

輯瑞

賡詩

第四

行時紀勝

第六

循聲緯事

第八

南國披薰

第九冊

斂敷依永

第十冊

乘陽宣

豫

第十冊

觀風宣雅

第十冊

展義抒懷

第十冊

觀民紀實

第十冊

時邁宣衷

第十冊

每冊分鈐

寶奉三無私。乾隆宸翰得象外意。惟精惟一。几

席有餘香。落紙雲烟。雲霞思履。信思順。正有同

春。游六藝園。所寶惟賢。乾隆御筆。德日新。如水

如鏡。學鏡千古。乾隆保泰。垂露吟詠。春風裏。即

事多所欣。

鑒藏寶璽五福五代堂古稀天子寶八徵耄念之
寶石渠寶笈所藏。

御臨米芾西園雅集圖序 一冊

〔本幅〕金粟牋本。五對幅。每幅縱二寸。橫一寸六分。行書。李伯時效唐小李將軍為著色。泉石雲物草木花竹。皆絕妙動人。而人物秀發。各肖其形。自有林下風味。無一點塵埃氣。不為凡筆也。其烏帽黃道服。捉筆而書者。為東坡先生。仙桃巾紫裘而坐觀者。為王晉卿。幅巾青衣據方几而凝竚者。為丹陽蔡天啟。

捉椅而視者為李端叔。後有女奴。雲鬟翠飾。
侍立。自然富貴風韻。乃晉卿之家姬也。孤松
盤鬱。上有凌霄纏絡。紅綠相間。下有大石案。
陳設古器。瑤琴。芭蕉。圍繞坐于石盤。僂道帽。
紫衣。右手倚石。左手執卷而觀書者。為蘇子
由。團巾。繭衣。手秉蕉葉而熟觀者。為黃魯直。
幅巾。野褐。據橫卷。畫淵明歸去來者。為李伯
時。披中青服。撫肩而立者。為晁無咎。跪而捉

石觀畫者。為張文潛。道巾素衣。按膝而俯視者。為鄭靖老。後有童子執靈壽杖而立。二人坐於盤根古檜下。幅巾青衣。袖手側聽者。為秦少游。琴尾冠紫道服。摘阮者。為陳碧虛。唐巾深衣。昂首而題石者。為米元章。幅巾袖手而仰觀者。為王仲至。前有鬚頭頑童。捧古硯而立。後有錦石橋。竹徑繚繞於清溪深處。翠陰茂密中。有袈裟坐蒲團。而說無生論者。為

圓通大師。傍有幅巾褐衣而諦聽者。為劉巨濟。二人並坐于怪石之上。下有激湍。洑流於大溪之中。水石潺湲。風竹相吞。爐烟方裊。草木自馨。人間清曠之樂。不過於此。嗟乎。洵湧於名利之域。而不知退者。豈易得此耶。自東坡而下。凡十有六人。以文章議論。博學辯識。英辭妙墨。好古多聞。雄豪絕俗之資。高僧羽流之傑。卓然高致。名動四夷。後之攬者。不獨

圖畫之可觀。亦足彷彿其人耳。

右米芾西園雅集圖序。甲辰夏日臨。御筆。鈐寶
二。比德。朗潤。

鑒藏寶璽。石渠寶笈所藏。

御筆大學士阿桂陝甘總督福康安奏殲擒石峯
堡賊回淨盡誌事三十韻詩 一卷

〔本幅〕蠟牋本。縱一尺一寸。橫五尺四寸三分。
行書。

大學士阿桂陝甘總督福康安奏殲擒石峯堡
賊回淨盡誌事三十韻。邪回倡新教。略經數
年矣。厥有馬明心。回民倡禍始。僧之一炷香。道
之五斗米。本因斂貨財。遂至兵戈起。明心被人

訐拘繫囹圄裏而蘇四十三竟敢欲救彼彼實

薩拉爾番回而已耳

辛丑三月蘭州撒拉爾番回蘇四十三等因救馬明

心殺官拒捕佔據河州城旋竄省城外之華林

山命大學士阿桂等往勦首逆蘇四十三於六

月十五日授首至七月初六日餘

黨殲除悉盡詳見辛丑年誌事詩興兵旋勦除

謂其類盡已赦過李侍堯實資能經理明練夙

著名孰謂債轅是偷安一切怠養癰近尺咫

辛丑

年蘇四十三滋事時李侍堯獲罪繫獄因其平

素尚明練曉事加恩赦宥復用為陝甘總督責

以經理善後事宜詎李侍堯姑息養癰致邪教

回民田五等復糾眾謀逆回五等係內地回民

近在咫尺。尤非撤拉爾番回可比。乃於四十六年。逆回等修理石峯堡。且聚眾禮拜寺謀逆。李侍克均毫無覺察。及田五等起事肆逆。李侍克復逗遛靖遠。並不親督官兵。速行勦捕。以致賊人兩次翻山逃竄。糾黨田五明心徒復讐謀亂肆逆。實為始終貽誤。據阿桂福康安奏。獲賊李泰恭。訊即李翦子之。父。據供。田五係馬明心之徒。因欲與馬明心報仇。於本年三月初五日起事謀逆。嗣緣被人告發。約于五月初五日起事。所以四月十五日即被創。雖自戕。應者如蜂蟻。從小山起事等語。

遂不可爬梳。流言滅回。通以故應者眾。攻城劫

間里。

賊首田五雖於五月內被創自戕。餘黨李翦子馬翦子復以流言恐嚇。聲稱官兵欲

賊滅回衆。勾結黨與。於通渭。隆德。靜寧。伏差。及鹿鹿山。底店。石峯堡等處。肆出滋擾。嗟我

遭燹民。蠲租早頒旨。

逆回滋擾地方。先經降旨。今該督查明被難良民。酌

量撫卹。並將該省本年應徵錢糧。全行豁免。自
此民情大定。並有鄉村百姓。解送逃出賊匪。紛
紛擒獻者。民情遂大定。縛送賊比比。更因遣重臣。勇

將進兵。駛底店折賊鋒。石峯圍賊壘。

甘省逆回之事。李侍

堯。剛塔。不能辦理。因命福康安為陝甘總督。同
海蘭察帶領已圍爾侍衛等馳往福康安甫到
隆德。即進勦底店。奮勇殺賊數百名。生擒三十
餘名。賊勢先已挫折。後路肅清。隨直搗石峯堡。
而阿桂所率之八旗勁旅亦至。因四面設卡層
密環圍。濬掘濠溝。斷絕水道。賊已如釜底游魂。

賊期防竄周濬壕。感命亟斷水。猶慮如華林。成

羣門以死。茲乃得生口。盡善仍盡美。

阿桂福康安奏石峯

堡賊入。自斷水以後。晴霽數日。情甚惶急。七月初三四日。陸續捉出男婦一千五百餘名。初四日晚。福康安同海蘭察等。及巴圖魯侍衛率領各營奮勇官兵。阿拉善兵。屯練降苗。於石峯堡卡隘之外。層層分布埋伏。至子刻。賊首張阿渾同楊填四等。率賊向外直撲。大通阿渾。帶賊在後接應。思欲奪路逃竄。我兵鎗箭如雨。盡力截殺。維時海蘭察。即率同台斐英阿。福寧。阿滿泰。春寧等。帶兵馳往。自外層層圍裹。痛加殲戮。福康安於各路督催。明亮。保寧。成德。圖桑阿。額爾

恒額。法靈阿。蘇靈等。各見賊即截殺。賊匪自相踐踏。黑夜力戰。直至寅刻。殺賊千餘。屍積滿壕。

縱橫遍地。張阿渾被我兵射傷。復與大通馬阿渾等竄回堡內。至黎明。福康寄同海蘭察。明亮等帶領各路官兵。一擁直上。復與旺心班巴爾。傅玉等督率官兵進堡。搜捕擒獲將賊首張阿渾。即張文慶。大通阿渾。即馬四娃。及賊目楊填。馬黃阿渾。即黃明。馬建成。馬良茂。馬金玉。楊存義。馬建瓚。馬建業。馬保等。全數擒獲。又生擒賊七百餘。割取首級八百餘。計兩日內。共殲賊回二千餘。拿獲首犯及婦女孩稚三千餘。所獲牲畜糧食器械帳房無算。此次勦滅賊巢。成功迅速。大學士公阿桂加一輕車都尉世職。福康安晉封嘉勇侯。海蘭察加一騎都尉世職。伍岱投為都統。並予騎都尉世職。旺心班巴爾加一公職銜。與其弟。其餘在事出力之大臣官員。及巴圖魯侍衛等。均令阿桂福康安查明分晰具奏。另降諭旨甄敘。其軍機大臣和坤加一

輟車都尉世職。餘俱著交部以軍功議敘。返躬審為政。勉愛民如子。弊吏首以廉。亦鮮饕餮。水旱莫不賑。肯令溝壑委數節。可自信。實未應有此。彼曰本吾民。奚曾少異視。而忽逢此變。斯誠劫數爾。究緣化未淳。慙愧惟責已。更憶聖經云。哀矜而勿喜。乾隆甲辰孟秋中澣。御筆鈐寶三。靜中觀造化。古稀天子之寶。猶日孜孜。

引首

御筆。綏戡紀實。鈐寶。一古稀天子之寶。

鑒藏寶璽典學勤政莊敬日強石渠寶笈所藏

御筆讀韓愈對禹問 一卷

〔本幅〕蠟牋本。縱一尺八分。橫二尺七寸一分。
行書。

讀韓愈對禹問。韓愈為對禹問所云堯舜之
利民大。禹之利民深。亦既理暢辭明。足為千古
定論矣。其論孟子所謂與賢與子。乃云求其說
而不得。從而為之辭。余以為愈於此。亦不免有
求其說而不得。從而為之辭者矣。夫

天何言哉。與賢與子。何以命之。是宜觀秦誓所云。

天視自我民視。

天聽自我民聽。民之所與。即

天之所與。是以人君祈

天永命。莫先於愛民。得民心。則為賢而與之。失民心。則為否而奪之。可不慎乎。可不懼乎。或曰。三代以下。率與子而不與賢。是誠

天意乎。是皆得民心而應與之者乎。曰。利民之大與。

深韓愈固言之得矣。茲不贅論。三代以下其嬗
代不一氏。是非不與子而與賢乎。雖其中亦有
姦雄攘竊。如曹操司馬懿之倫。不可謂之賢。然
必其繼世之子之不可與者也。若繼世之子上
能繩其祖。下能得其民。

天必不以與他人也。是語也。人或不敢言。而余因讀
韓文。闡義為辭。其意正重乎此。有守器之責者。
可不熟讀是文。而知慎知懼乎。儲貳金鑑之書。

已成。因命續錄於篇。向所著讀公羊傳等六篇。皆有繫於

天命人心嫡庶賢否之要。並著續錄焉。乾隆乙巳

孟秋月。御筆。鈐寶二。古稀天子之寶。猶日孜孜

引首

御筆。論申不易。鈐寶一。古稀天子之寶

鑒藏寶璽。妙意寓清快。成性存存。研露至味。寓淡

泊典學勤政。吟詠春風裏。石渠寶笈所藏

御筆漕運總督毓奇奏南糧情形詩以誌事 一卷

〔本幅〕蠟牋本。縱一尺五分橫二尺八寸四分

行書

漕運總督毓奇奏南糧情形詩以誌事 漕艘

總藉水。水淺則艱行。昨歲濬中河。圖深舟送輕。

既濬當建牕。無牕洩莫贏。其過在司河。再三申

飭明。

今歲漕船淺阻。總因上年薩載李奉翰濬運中河時。並不早建開座。以故水淺無餘

所致。已再三降旨申飭。并分別議處。詳見前紀事諸什。適逢春夏旱。重載

自難擎。毓奇苦無策。束手徒怖驚。遂欲留全漕。

嚴諭屢督程。

運中河水既淺阻。又因今春以來。淮徐一帶缺雨。舟行節節遲滯。漕

臣毓奇束手無策。遂有本年二進浙江漕船計。至天津。已在九月下旬。即虞陳阻之奏。蓋意在自占地步。不知截留漕船過多。則南來貨少。是未體察輿情。通盤籌畫也。因降旨嚴行飭諭。催趙前進。務令多抵通一。河臣及漕臣往返咨情。幫。即多得一幫之益。

形得尺則進尺。自畫戒留停。衆始漸知過努力。

相勛勅。

陸載李奉翰向不肯明言未建牘之過。而毓奇則預占地步。以為誣過之計。皆

嚴行訓飭。今方知過。各努力奮勉矣。今日接奏牘。二進可長征。三進

進尾隨至。秋杪或達京。覽之為少慰。更為籌慮。

并秋杪必阻凍。明歲遲運仍。

茲據毓奇奏南糧二進幫船已全入

東境計三進湖廣江西幫船可於七月底八月初趨入東省。開河等語。三進幫船若於七月底入開河。縱沿途催趨。須至九月底到通。却糧回空。恐今冬不能迴至。水次受兌。致誤明歲新漕。因即馳諭毓奇。并劉義明。與通盤妥酌。計算三進幫船。可以抵通。無誤回空者。共若干幫。即令飛輓前進。其尾後數幫。趨辦不及者。即令截留山東直隸途次。於明春再行運送。因復

降諭寄三進留則應直隸及山東沿途之所經

隨處堪截貯。明春徐抵通。

叶。三進尾後數幫即傳諭於東省水次

各州縣及直隸泊頭等處酌量起留妥協存貯
俟明歲春融地方官再行催船剝運抵通如此
一轉移所留尾幫不過全漕十分之一二
已不至如毓奇前奏並二進船亦截留矣自我

駐山莊此事勞經營豈伊謀玉食無非籌輿情

漕艘挾南貨流通達都城弗至貨將少萬戶何

資生

今歲駐蹕山莊因漕船淺阻一事甚為懸念節次傳旨飭諭催令籌辦趨運不獨因

天庾攸關即各船所帶南貨皆民間日用所必需若截留船隻過多京師萬戶將何資賴茲二進既全數抵通所截尾幫止十之一二則京師貨物不致踴貴矣 茲乃免壅遏

軍民生計平五字誌顛末勤政盡吾誠 乾隆

乙巳孟秋中澣御筆鈐寶二。古稀天子之寶猶
日孜孜。

〔引首〕

御筆。利籌通漕。鈐寶一。古稀天子之寶。

鑒藏寶璽。五福五代堂古稀天子寶。八徵耄念之
寶。靜中觀造化。天地為師。莊敬日強。執兩用中。
水月兩澄明。即事多所欣。石渠寶笈所藏。

御筆開國方略序

一卷

〔本幅蠟牋本縱一尺一寸橫五尺七寸三分行書。〕

開國方略序。 粵昔成湯放桀於南巢。惟有慙德曰。予恐來世以台為口實。斯誠大聖人昭德垂裕萬世之訓。而非漫為謙辭也。蓋世之治亂。猶日月之盈晦。四時之周序。治極必亂。亂極亦必返治。此守器者所宜保泰。而嬗代循環所由。

有開初也。湯之後為武王。其於處桀紂則武已
不如湯矣。三代以下。武之不如其餘。又何足屈
指數。故以開初論之。實不如元之與我大清
也。夫中國之嬗代。莫非其祖宗本其君之臣子
也。有元興於北漠。我大清興於東海。與中國無
涉。雖曾受明之官號耶。究不過羈縻名繫而已。
非如亭長寺僧之本其臣子也。況乎戴不共之

讐。乘自壞之勢。

我朝始基居長白山北之俄
朵里城。國號滿洲。越數世至

百餘里。肇祖居赫圖阿拉。在俄朵里城西一千五

景祖。顯祖。為尼堪外。蘭謀蒙於明。貽害

明李。二祖。我。太祖。以不共戴天之讐。又乘

天命。三年。以七大恨告。天。違。親統師

征明。撫順。招降守將。擊敗全軍。嗣於薩爾。濶破

明。四。兵。四十萬。衆。神武布昭。克定遼瀋

我。國家。億萬載之丕基。實肇於此。至我

太宗。雖亦。躬操甲冑。臨陣決戰。然既得威

京。規模。已定。較之。撫定中原。建基立極。以武

太祖。斯稍易矣。

王于湯有光擬之。則實于漢明有光。而唐宋在

所弗論矣。故茲開國方略之著。不重於繼明定

中原而重於自俄朶里以至赫圖阿拉。因十三
甲。輦路盤縷。得盛京而定王業。若夫興王之始。
長白朱果。蓋猶簡狄元鳥。姜嫄履跡。

天生

聖人治四海。必有祥符。與衆不同。而更在於
聖人之奮智勇。受艱辛。有以冠人世。答

天命。夫豈易哉。予小子守

祖宗之業。每於讀

實錄觀我

太祖開國之始。躬干戈。冒鋒刃。有不忍觀。不忍言而
落淚者。繼思不忍觀。不忍言之心。為姑息之仁。
其罪小。觀至此而不念

祖宗之艱難。不勤思政治。以祈

天永命。慎守神器。其罪大。故令諸臣直書其事。以示
後世。即明臣之紀本朝事蹟。如黃道周之博物
典彙之類。不妨節取。以證信實。然予此為非意。

自勵而已也。欲我萬世子孫皆如予之觀此書之志。其弗動心落淚。深思永念。以敬

天命守

祖基兢兢業業。懼循環治亂之幾。則亦非予之子孫而已矣。此開國方略之書。所以作也。嗚呼可不敬哉。可不慎哉。乾隆丙午仲春。御筆鈐寶三。古稀天子之寶。猶日孜孜學鏡千古。

引首

御筆 丕基肯構。 鈐寶。 古希天子。

鑒藏寶璽。 五福五代堂古稀天子寶。 八徵耄念之
寶。 敬天勤民信天主人吟詠春風裏。 筆花春雨
寫心。 寓意于物。 正有同春。 用筆在心。 石渠寶笈
所藏。

御筆和李嶠雜詠詩 四冊

〔本幅〕仿金粟牋本。四冊第一冊三十六幅。第二冊三十幅。第三冊三十二幅。第四冊三十一幅。每幅縱八寸二分。橫八寸六分。行書。

和李嶠雜詠詩百二十首韻。有天根月脅兩

間皆名理之參。般鳥跡龍圖。庶彙悉斯文之觀。縷揚風。抗雅原。惟體物為長。俯察仰觀。舉可拈吟。寓興茫茫象緯。定中月離之章。歷歷堪與漢

廣崧高之句。登選樓。則京都作賦。稽樂府。亦麟
雁標題。時研鍊於鉅裁。或錯陳於片語。粵自張
荷班扇。始具全篇。降而謝蝶崔鴛。僅傳一律。譬
夫采珠合浦。何嘗聯百琲以揚輝。假令求木鄧
林。詎易集千章於合抱。頃當幾暇。披覽唐音。見
李嶠之雜詩。信才人之鴻製。體用五言四韻。數
至百有廿篇。大而流峙高深。細及肖翹跂喙。雕
鐫盡致。籠萬象於毫端。繪繡成文。匯羣言於卷

裏時則薰絃靜而綈几清。午漏遲而端谿潤。爰
依章而屬和。更比日以徧賡。夫賦物者以刻肖
稱工。隸事者以誇多為富。不知詩宗六義。自比
興之居先。矧夫品列萬殊。固形神之備具。若第
鏤金錯彩。殊乏性靈。如徒暈碧裁紅。何關生趣。
選辭就義。無妨旁引曲喻。以盡其情。抽秘騁妍。
要必援史據經。而窮其蘊。有香有色。豈云剪綵
為花。亦幻亦真。聊復即燈取影。笙簧執苑漫等。

諸月露風雲。斧藻蓬山。多識於蟲魚。草木用當。
清暑。兼寓惜陰云爾。岵夷常發曜。建木乃棲。
枝萬古。明恒繼。十天光鎮披。誰傾丹藿仰。我惜。
白駒馳。惟是無私照。乾乾奉若曦。日。示冲眡。
魄際警闕眊眊時。東壁常懸鏡。西潢祇學眉。入。
聞陸君牖。鑒得阮生帷。寄與宵衣者。應懲長夜。
嬉。月。堯典授時古。泰西辨紀新。降婁還主魯。
鵠首亦當秦。誰應嚴陵客。還思傅說臣。庶民從。

所好慎矣。譬辰人。

星。

入松泛金籥。動竹響琪

林。文士雄雌辨。高人商角吟。底須誇漢筑。惟是

緬虞琴。雨足園亭好。披來爽滿襟。

風。

空聞王

母輦。誰數楚王臺。出岫無心去。為霖有意來。卷

舒常薄漢。沮洳不飛埃。膚寸曾占礎。當春望幾

回雲。

連雲方蔚術。帶谷乍霏微。爨竈升晨柱。

薰鑪換夕衣。星池香作雨。滕閣紫凝暉。嗟彼灰

同出。倏分沈與飛。

煙。

三霄呈異瑞。九畹綴新

叢。麴飲金莖外。蟬鳴玉樹中。醴甘丹桂曉。珠落
碧荷風。聞說丹邱壑。猶存唐帝宮。露樂廣披

蘭省。樂巴還蜀城。雖云五里暗。不礙九天明。侵
曉報晴散。著塵疑雨輕。祥祆皆可卜。彼霧豈容

情。霧

作解山川出。其濛士子來。社公知節至。

抱朴潤兵回。點入池紋合。絲牽風勢開。甫田一

犁足。額手祝時哉。

雨

天公為玉戲。剪燭出重

霄。花是恒春蕊。時成不夜朝。融將無雨潤。輕漫

逐風飄。洛渚形容別。陳王正返朝。

雪

案衍橫

青野。嶽嶽凌紫氛。谷為鄒律黍。峰是夏時雲。詩
態仙人影。畫情螺黛紋。荒唐笑封禪。七十二朝
君。山落落堪稱度。稜稜亦具威。叱羊山裏化
為鶯。雨中飛去國。貞姬望填溟。精衛歸猶聞。肅
慎獻可試。弩林機。石龍鮮常試望。膺膺聞何
年。名將千軍駐。高賢五柳眠。莒齊譬焦石。虞芮
置閒田。復降公劉蹟。今存大雅篇。原載觀星

斗次。分域映璇空。甲乙裨瀛外。庚辛泰華通。擣
猶蔽蒂綠。花任淺深紅。何事謡謀創。無能獲國

中。野。

祈穀卜元日。常雩舉見辰。雨思霑壤脉

雪。祝積塍鱗。百畝公耕舊。十千歲取新。虔心願

多稼。尚自有飢貧。田。

梯山亦航海。定竿復存

卬。同軌誰能異。踰關豈限重。佳人愁折柳。壯士

氣騰龍。莫作臨岐泣。刀環會有逢。道。

世界依

香水。朝宗映太微。乾坤萬古潤。日月兩丸飛。水

伯形疑幻。鮫人珠有輝。鴻淵觀至再。記自大東

歸。

海

瀆首岷山導。潮靈地底回。二分岨峽始。

九派楚襄開。受佩鄭交去。投書殷羨來。詞源倒

三峽。獨許景純才。

江

三門砥柱中。源遠接雲

空。聞道金繩墮。奚稱瓠子宮。百川秋水灌九曲

大瀛通。鬣剔洪流莫。巍乎神禹功。

河

堯壇圖

見古。周邑食維新。激水德陽殿。成橋熊耳津。玉

雞誕漢祖。綵鳳接仙人。曾憶香山頂。觀瀾六轡

臻洛

千里據仙境。四埔環國都。象天陳保障。

擇地鞏閭隅。政惠曾遊鹿。術靈遽起烏。乘陴守

溫郡。功著寇雍奴。

城

閭闔崇埔表。清明華闕

隈。金魚司夜謹。丹鳳向晨開。掃軌高人隱。種瓜

仙客來。何如虞舜闢。賓穆致賢才。

門

聞道新

豐巷。識家不用尋。鄭門譬如水。陳氏詭能琴。交

易為中日。相成立夕陰。齊人平旦往。可以搜兼

金。

市

自穿育炎帝。謀蓋出都君。妙取八家象。

能生五色雲。華林春日續。靈石夏風薰。可用王
明汲。玩辭思易文。井。西蜀曾餘跡。南山亦有

廬。可懸高士榻。不礙楚人車。種竹王猷慣。誅茅
宋玉初。猶傳龍望野。太尉有藏書。宅。鶴鳴魏

王館。鵝玩右軍家。柳眉青春靄。荷鋪朱夏霞。漪
瀾文鷁動。蘸影石鯨斜。高詠昭明白。忘情山水

賒。池。

層構干雲表。飛甍出堞隈。候神期羨至。

望氣斗牛開。拂席春風落。捲簾暮雨來。風流傳

八詠都說建昌才。楊

杜牧月中詠相如車上

歸。忠曾伏豫讓。勇或斷張飛。刺處蒼蛟巨。得來

玉杵輝。尾生還抱柱。終以信為依。

楊。以上第一冊。

尼父刪修後。洪源萬古明。鄙稱陳迹在。法著素

王成。漫笑邊生筭。還輕韋氏篇。所希鴻教煥。棧

樸育賢英。經。

立自軒轅古。布來方冊新。記從

言動直。體貴質文彬。董筆曾誅趙。遷書善過秦。

宮牆如籲俊。堪作六經臣。史。

借問詩何自。端

由情性來。遞看六朝變。誰障百川回。雅正方堪
則。艱深豈是才。虞廷緬賡載。庶事詠康哉。詩

風雅遞相變。鋪揚體益平。相如上林苑。庾信楚
人纓。所貴陶神理。奚稱協律聲。雕蟲工篆刻。莫
笑得俳名。賦 鸞鳳方翔翥。烟雲共卷舒。八分

沿變後。五合會通初。入妙衣無縫。藏鋒刃有餘。
公權陳譙諫。名下果非虛。書 皦然宣尺二。師

出貴先聲。司馬傳巴郡。孔璋擅魏營。千言明電

曜萬里順風行立辦駐馳馬房喬早著名樹

竹不便行施擣麻代簡馳尚卿神號炳雲母玉

光披紀實傳今古修辭贊禮儀蜜香書釋例杜

預有芳規

紙

重華方簡上毛穎管城隈如玉

三端避生花五色開嵇含刊竹去逸少換鵝來

便殿呵牙管謫仙果是才

筆

與史公從事靜

為用永年質珍突金玉形定節方圓典籍因垂

後讒邪無汚前便教磨穀理一和巨山篇

硯

鑒壺應瀝血。用硯欲凹心。淳漆稱精絕。輕膠用意深。筆常與為入。茶每遜其沈。落紙雲烟潤。蘭亭試背臨。

墨。

李札繫而去。還從魯國庭。周官

紀遷地。雷氏善觀星。華藻步光緝。寒芒飛景明。

莊生真善喻。三等藉傳名。

劍。誤係和。李嶠原韻。

斷蒙

稱果勇。握足諭歸旋。光掛天邊月。寒凝澗底泉。占祥刺史後。拜賜冠軍前。不假秦阿柄。垂衣靖九邊。

召。

蓬矢分明示。平生喜獵圍。林中殲虎

突天外落鴻飛。飲石羊頭利。發銅雕羽輝。還誇

孺子智。早識庾公歸。

箭。

顧子為名訓。蘇仙返

故鄉。炙鴉原可譬。黃雀那容忘。徒見衆星逆。惟
懸一月光。流鶯海棠下。麗句獨稱王。

彈。

將軍

發大黃。勇略振邊方。踰水飛青鏃。乘風散紫芒。
流星方覺利。觸縞頓堪傷。省括幾張度。阿衡訓
毫玉。

弩。

龜見占剛日。龍章擁瑞雲。建惟尊九

仞。麾可奮諸軍。敵漢騰英氣。升華掣烈文。大帝

徵實績。那許冒勲紛。

旗

析羽頒章物。精光耀

日中。納言虛若谷。振武揭如虹。獵獵衝珠斗。悠悠颺德風。安心誠得竟。底用指揮攻。

旗

離為

象義卦。兌貢紀周年。明耀霜華刃。森開雪色鉞。康成入室裏。勾踐牧駒前。三舍搗能返。雄心貫日邊。

戈少昊曾傳製雷門。漫試聲。補衡魏武

怒。諸葛洞鑿驚。伐木還連響。催花借一鳴。五音

繁會處。不得詎能成。

鼓

倅自孫卿紀。般由少

皦生虞人招豈合。唐帝喻猶明。質辨彤廬色。弦
催霹靂聲。彭城東欲集。還得待遲成。

梧

峻嶽隈。匠石奮斤開。理性賴魚躍。通神白鵲來。
歐陽豈在器。司馬尚餘臺。雅正中和導。為音詎

貴哀。

琴

東坡傳四字。商隱藉知名。膠柱真嗤

謬。繁弦且漫驚。數峰青句逸。百寶錯裝並。趙女

叢臺上。春風不盡情。

瑟

明君慰遠思。馬上感

多端。鳳翼還雙並。鷗弦以四安。阮家撥猶妙。筆

氏畫堪觀。司馬青衫濕。江邊莫再彈。琵琶秦聲

傳雅製。巧思阿誰開。四序升沉引。八風壇代來。

羅敷執高節。阮瑀擅清才。裝柱何為稱。惟應玉

是哀。箏於論惟共鼓。以間早傳笙。出入告斯

度。疾舒辨厥聲。八能常縱擊。百里可聞鳴。窈窕

霜朝聽。詩成韻亦清。鐘虞帝儀鳳器。周仙乘

鳳音。雅宜君子聽。平得躁人心。蛇畫添休笑。雞

垂聊復吟。子綦喻三籟。漫向管中尋。簫吹作

滌然聲。崑谿質最清。暢神威鳳聽。感物水龍鳴。
古調七星按。新詩四座驚。傍牆李墓壓。偷得曲
中情。笛

王喬伊洛表。墨翟郢襄隈。巢鳳雖云
美。離鴻亦可哀。安仁賦刻簪。東哲補循陔。何必
雲和吹。云隨王母來。笙

永言姚帝陞。發德碣

瀛濱。荆姥曾傳谷。虞公早動塵。戚欣惟志寄。宛

轉以時新。豈有卿雲望。惟懷賡載臣。歌

儀嫻

傳北里。度雅擅西城。霧袖迴風暗。雲翹映日明。

總干知德意。東翟著賢聲。苗格七旬內。敷文繁

匪輕。

舞以上
第二冊

金闕北荒裏。蛟宮南海隈。緯

蕭河上返。賣續楚人回。寶質無脛走。靈光入夜
來。試思市沙漠。豈似委瑤臺。

珠。

出懷雖笑鄭

利割亦傳秦。未害投泥者。寧無抵鵲人。瓊枝電
采煥。昌藥瑞英新。不取登臺返。寧王別有珍。

玉。

吳季遊齊野。魯連全趙城。賢妻曾責義。孝子

藉騰聲。臺自燕昭置。山當少昊鳴。隗生真善易。

使者早知名。金。

為闕黃金間。橫河碧落長十

年。蘇軾甕。一夕趙璘床。品入荆揚貢。氣騰委宛

光。徒傳山溢出。符瑞應殷王。銀。

地官初鑄幣

取義似泉流。秋卉鋪瑤砌。春榆點御溝。孔方稱

可笑。阿堵舉應收。選一騰清譽。須從循吏求。

錢。

秦川語如邈。蜀國製初成。韓氏堂成日。石家

谷艷春。害紅伊古戒。競巧逐時新。姜斐曾申剌

僉哉彼譖人。錦。

霜曳崔融潔。風躋宋玉清。榮

門三代並薦地九微明。蛺蝶團成簇。鴛鴦著處
輕香囊如賭得。可識謝公名。羅七夕隨王母

義山警魏君。叢臺花綴露。鄴市鶴盤雲。餅賜大
官饌。衾宜漢苑文。鏡光如試筆。結霧自氤氲。綾

禮神臻弗祿。錦繡詎能妃。擬雪梁園賦。為雲
正旦飛。持鱣寧待比。委篋有餘輝。一匹寒衣具。
鄰人可借機。素蜀都珍潤黃。邱國獻周王。同

賈帛相若。無遷幅貴方。荃香貿夷島。藤剝出蠻

疆光儉公孫詐端因以德若有

製自軒轅造

周流去復迴登仙李膺濟泛雪子猷開虛觸悠
然去刻求惑者來孫卿諭載覆信有過人林舟

山瑞作乘根迎侯駕在門策牛將相入蒙虎

蔡陳奔仙客鸞扶鞞衛公鶴御軒輪轅戒虛飾

周子著名言

車

太尉選東床獨稱坦腹王仙

人華玉鏤神女鬱金裝竹簟含風冷蕙幃拂露
香中宗雖下禮導也信謙光

成

彭祖陪宣帝

晏嬰對景公。銘端心惕。名坐治德。同風得句。謝陽夏。解經戴侍中。求賢每因側。切切凜深宮。

唐

董子不窺舍。陶潛或命車。松梢延月入。竹裏為風舒。蘭室接談後。華林張樂初。欲知文治要。講殿繹經書。

帷。

望處目疑水。垂來意滿秋。碧

珠文繡額。銀蒜曲瓊鉤。暮雨西山卷。朝霞東戶

浮。君平開卦處。終日與天遊。

簾。

似疎還實密。

展去可收回。隨意李龍製。傳神孔雀開。有朝昔

向立無逸近書來。廿五清新詠。穆如開府才。屏

文錦薰蘭省。青綾艷玉堂。小星抱三五。女弟遺鴛鴦。當效授寒惠。奚求斜覆長。魏舒持徑出。

清論信稱芳。

被

庾信拭輕埃。溫生玉作臺。一

枚燎豈得。百里照呈來。執半鵲飛去。藏雙鯉剖開。文皇舉三喻。獨惜魏徵才。繼

逸少擅書名。

元規轉被輕。應門辭世跡。畫水斷江聲。詎足珍雙翅。還因憶五明。婕妤辭輦後。永巷獨含情。扇

火傳不盡舊。花卷每迎新。績學絳帷久。朝天
紫陌晨。東來遊綺野。照處醉華茵。師曠稱明昧。
誠哉善喻人。燭。

秩秩會賓傳。言言共酢酬。蘭

英香氣泛。竹葉露光浮。從事青州判。仙人梁市
遊。永懷惡旨訓。底用羨糟邱。酒。

楚畹試披尋。

葉瓊芽簇金。仕齊香竟體。返魯樂操琴。春禔晉
賢會。秋風漢武吟。不緣人莫服。芳散短牆陰。蘭。
最是禁秋質。偏於晚節開。傲霜宜插帽。飲露

似擎杯。李適慈恩寺。陶潛彭澤腰。一般欣所遇。
知已問誰來。菊。千畝渭川濱。琅玕夏碧氛。溪

稱六逸隱。林會七賢文。月入檀欒影。風翻翡翠
雲。相如雖後至。也得見梁君。竹野鹿通山貨。

鳴鳩巢井臺。潭邊霞照起。石上月光來。囊掛天
台杖。帳圍金谷杯。剡溪如欲試。透背幾分開。藤

南花樹北砌。東日照西叢。蠲忿幽芳吐。合歡
瑞色籠。飄蕭葉猗露。靡靡藥含風。不解憂常切。

休誇藻獨雄。堂。

周易聞義日。齊桓問楚年。東

華之子遠。乘屋小陽前。捲得三重去。灌成五丈

旋。方殷如彙拔。詎為有絲捐。著。

亭亭彼澤陂。

君子擬風規。微露盤香瀉。承曦益影移。清芳竟

幽嶼。素彩散華池。如遇涉江采。還看向臉披。荷。

紀異淮南子。摘文蘇彥浮。風乘末而起。江有

實斯流。供飼鶴常飽。為茵鴨喜遊。飄搖託輕浪。

來往觸行舟。萍。

桂棹沿迴採。蓮塘宛轉通。折

腰銷暑氣。熨齒散香風。冰馳靈池面。舟橫太液
中。勸民傳渤海也。救一時窮。美 邱仲蜜為澤

安期棗似瓜。三離華翠鮮。二蒂共黃花。暑却雕
盤潔。仙稱空洞嘉。祥符徵卜世。縣礎萬年賒。瓜

以上第
三冊。 洪邁茅山側。君謨閩路郵。籟真無比

籟。枝信後彫枝。靄靄貞蕤發。童童秀葉披。遺堯
堯不服。豈是未曾知。松 連蜷中岳表。寂寞小

山幽。有樹皆稱月。無人不識秋。膏然燧林燭。木

作岱輿舟。董謁升壇後。曾看王母留。桂拂殿

連天蔭。易榆特地栽。三公卜庭下。一柱茂城隈。

癭結郎中識。花黃舉子來。仲文神往處。兔目發

恢台。槐

春氣裊氤氲。春烟冒碧氛。池塘絲帶

雨。臺館畫橫雲。逐浪吟貞觀。垂陰賦簡文。凝粧

翠樓者。幕地憶夫君。柳

龍門聳碧岑。百尺上

連林。青子垂瓊實。孫枝鬱翠陰。翔鸞知月巧。鳴

鳳寫雲深。藉問淮南弩。奚如谿北琴。桐

結實

龍邱表盤根度索傍瓊瑤。酬厚貺歌舞換新粧。
耐可炫春艷。偏能銷恨長。七枚留著核。癡煞漢
家王。桃含暉臨綺埒。發綵及芳辰。與月色無

別。因風影似新。百枚紫陽戲。各種上林春。慎矣
整冠者。鄙哉鑽核人。李卉擅常山側。品珍詎

野中。花開疑雪瑞。菓熟擬年豐。具茨一株樹。歐

陽巾葉紅。哀家若蒸食。幾不笑桓公。梨寫照

擅華光。先春冠衆芳。素含月裏色。冷吐雪中香。

已和商王鼎。還勝禹廟梁。設如林下遇。何異飲

瓊漿。

梅

淮海貢維錫。華林珍豈繁。詭傳晏嬰

對。信寄洞庭言。霜裏朱丸綴。風前綠葉翻。惠連

將作賦。嘉樹正當園。

梅

軒帝銜圖鳳。虞廷儀

樂鳳。九雛符上瑞。六德煥鴻章。翩翩麟洲側。雖

雖梧樹陽。何當漢宣代。史紀屢來翔。

鳳

唯唯

復翩翩。江樓渺若烟。遠師悟立地。丁令識當年。

豈慕華車上。偏宜竹院前。猴山明月夜。笙韻落

寒天

體

流火天王瑞。巢門孝子寒。雨占惟兩

翼。日御每三竿。畫壁滎陽中。成操義慶彈。空傳

曹孟德。繞樹未能安。

烏

神女造橋去。公輸削

竹飛。濡魚波裏化。條翮世間稀。奇著侍臣卜。祥

徵旅客歸。啄槐靈氣結。蘊玉擬山輝。

韻

往來

南北方。知候號隨陽。汀畔蘆花影。天邊人字行。

沙洲跡印月。龍塞信傳霜。若問安身處。滿湘雲

水鄉。

雁

侶浴萍茵上。羣嬉蕖沼隈。雞爭寧可

匹鶴續亦堪哀。裁錦浮沈動。在沙福祿來。蕭王
能撫士。歡藻一聲雷。鬼。金衣織雨紅。色色復

空空。解作變宣調。偏能療妬風。音流柳隄外。腸
斷竹籠中。仲若雙柑聽。端由理趣通。鶯。潘賦

作金聲。班詩紀郅平。廟廷升鼎瑞。郊野應鐘鳴。

夏翟依時貢。蜃樓待化成。魯恭多異政。企想繁

予情。雄。簡狄吞元水。意而上碧空。不分梨樹

雪。斜掠杏花風。處戶身依近。窺簾意在中。神芝

如得食。正一謁仙宮。

燕

巢常安。畫枳飛不離。

雕梁饒有依人智。那無夢客祥。雙行書案上。率

啄粟場傍。塞外曾稀見。屋成結隊翔。

雀

池濯

號成都。籜抽亦擬雛。雙螭扶夏革。五采負虞圖。

致雨潤千里。簇雲分太湖。需恩聲應捷。牲帛以

時趨。

龍

周南雅化開。漢武幸雍回。信是不羣

品。豈伊可繫才。沛邦曾吐卷。秘省早傳臺。筆削

春秋罷。西郊越若來。

麟

瑤光星散後。林邑貢

陳初教弼臯陶法。幣輕子產書。馱經至西域。入
隊舞吳虛。如是三般渡。我聞何所居。象 千里

徑循東。由來龍種驄。蹄輕從逐電。意逸每嘶風。
牝牡驪黃外。詩書禮樂中。無邪還著訓。垆野頌
億公。黃鐘鳴滿脰。多稼詎言功。丙吉燮調

裏。郭舒雅量中。端知劍堪賣。不與馬同風。葛樂
穆然古。巢言作者通。牛。 觀象易成周。如飛比

壯猷。楚辭曾作御。管子善持籌。符兆孫家獵。獻

歌韓國侯春山常隱霧妙理契明幽

豹

塵開

濁水面魚舍大烹前鄭和聘鄰日周王誓衆年

穴中常蟄伏樹上可盤旋啼向杜工部悠然樂

熊泉

熊

姓姓常在澤濯濯亦遊畿寫貌偏宜

畫徵名屢見詩漢皇刻牌日國士鼓琴時李渤

結廬處紫陽早豫期

庚

童子荷簪後仙人刻

木材楚中銜穀至洛下取珠來考牧先型復委

蛇雅化開草芳賴粗點莊在午橋隈

羊

擣藥

月棲久。隱形世見稀。走岡目成孕。起漢背能飛。
得理忘蹄妙。因時養魄輝。摛文傳露布。萬里遠
宣威。元。右詩作於乙亥六月。已閱三十餘年。

茲山莊清暇。復書一過。未免自笑。少年狡獪之

習耳。丙午七月下澣。御識。

以上第
四冊

每冊分鈐寶。

天地為師。乾隆御筆。乾隆。人情為田。即事多所
欣。菑畬經訓。繪月有色。水有聲。水月兩澈明。漱
芳潤。含英咀華。落紙雲烟。研露松竹。一庭道心。

几席有餘香。烟雲舒卷。莊敬日強。保泰垂露。化
工四氣。為全施。墨雲筆花。春雨筆端。造化讀書
依竹靜。取益在廣求。秀色入憲虛。見天心寓意
于物。叢雲落花滿地。皆文章。成性存存。清心抒
妙理。日監在茲。半榻琴書。體仁齋物。繫矩大塊
假我以文章。如水如鏡。已有同春。用筆在心。含
味經籍。妙意寫清快。樂意寓靜觀。浴德扇以淳
風。抑齋衆花勝處。松千尺。學鏡千古。陶冶賴詩。

篇中和。幾暇怡情。潑墨愛竹。學心虛。意在筆先。
摘藻為春。乾隆宸翰。得象外意。寫心吟詠。春風
裏。古稀天子之寶。猶日孜孜。

鑒藏寶璽石渠寶笈所藏

御筆題彭元瑞撰皇極殿燈聯詞 一卷

本幅粉箋本。縱一尺一寸。橫二尺九寸。行書。

題彭元瑞撰皇極殿燈聯詞。有寶柱簇行行

綵勝製昉乾清。繡幡先面面華燈慶長寧壽。乾清

宮燈柱。樹於臘月廿四日。即每日縱燈聯。至歲除日。換燈收聯。此舊例也。俟八載方

臨茲御而萬事貴豫以成。新集吉語於王春。用

表祥輝於皇極。爰咨內翰。聿奏聯詞。其惟瑞簪

朶殿之毫。久經予納大鈞之鑄。成文來上。省覽

載嘉體以偶連。裁廿言而雲屬。辨由位正。動八方以風行。十六聯務去陳言。五十年胥臚實政。曷克臻此賴。

天恩

祖德之貽。是惟艱哉。皆肝食宵衣所致。語有徵而可信。思取巧而不佻。異宋宮內禪之三。盛真稀古。

駕明製虛言之耦。事必因時。

乾清宮燈聯。仍明代翰臣所擬。不過

燕氣聯。即虛詞。吳元瑞此聯。速甚。

什以弁吟。書宜表卷。屬詞泰。

陛較富張說之七言。述職明廷實殊章懋之一
疏。屈指籌開八表。建竿生藹藹之春。盟心宇御
六旬。負宸猶孜孜之日云爾。凡事曾聞豫立
詮。嘉稱元瑞製燈聯。東西次第南而北。左右分
明後與前。神以通靈氣以運。六為之儷。四為駢。

雙撐寶柱輝皇極

燈柱樹皇極殿前

虔祝

天恩待八年。乾隆丁未。新正御筆。鈐寶二。古稀天

子之寶。猶日孜孜。

後幅附燈聯。

寧壽宮皇極殿燈聯十六幅。左八聯。
南斗炳珠弧。六旬御寓。萬祺頤和。庚子。
曰聖人壽。前星臨黼。九陛崇基。三元肇祚。
周雅歌之。君子寧。北極共皆朝。子帝。
為帝。曾孫有孫。五福堂前。歡舞綵。後天錫難。
老。長春如春。元夜不夜。九華燈下。壽稱。
東。東作穡闢。心。雪駐龍。麥。燭照田。舞。課。
占晴尚初志。左旋杓。句角。節。宴。克。漿。燈。詞。年。
軫。撫時行慶。有前規。西。西。域。被。流。沙。年。
班。藩部。歲報屯田。照世。杯。圓。里。二。萬。右。垣。通。
閭。道。出。震。迪。光。乘。乾。垂。裕。和。時。燭。朗。界。三。千。
東。南。東。國。藩。戎。衣。敝。曲。有。蒼。作。岐。有。藝。
小。物。克。勤。詠。練。燭。南。邦。荷。車。斗。恬。海。如。麟。翁。
河。如。鏡。民。風。可。觀。戒。於。船。西。南。西。園。翁。

墨林四庫積玉。七閣抽琅。太乙藜光燈以右。
南宮禮樂地。兩東制科。六開恩榜。文昌珠彩
月同圓。東北。東揖木公朝。十年慶典千
吏恩榮。洛社畫圖鳩杖集。北迎元日詔。五代
曲繁。百家算倍。康衢燈光。條駉遊。西北。
西定噶喇依。恭者我僕。僭者我俘。蠻目更番
入春宴。北踰額濟勒。威曰歸降。德曰歸順。鴻
臣來賀。御東朝。右八聯。南。南面久仔
肩。求衣問夜。東燭待章。福用敷之。次五極。前
盟果如意。鳥篆鐫瓊。鴻文刻玉。古維稀矣。四
三皇。北。北戒拱論都。河得真源。淮得真
源。九如咸頌。川方至。後車勤覲。歡。公猶望幸。
萬猶望幸。萬壽宜歌。山有臺。東。東廂啓
儒席。論數奧旨。雅肆古歌。詩誦壽萬千。無量
左海侑賓筵。句補吹笙。鄉觀飲酒。禮成月三
五而盈。西。西敘溯成功。振以特磬。聲以

鑄鐘。節序新詞。卑火樹。右文。電鳴。威風。有干。
城。雅有髦士。科名。舊事。壓燈。毯。東南。東。
震旦。最尊。樓湧。萬佛。經譯。三乘。歡喜。園中。法。
輪轉。南瞻。部妙。勝。印。寓。秘文。塔。飄。吉。帛。光。明。
天上。慧。燈。懸。西南。西。社。賽。春。燈。市。流。幣。
經。滿。溢。倉。糧。六。十。年。逢。年。布。惠。南。榮。爆。朝。日。
戶。地。鏐。租。漕。除。玉。粒。二。千。萬。余。萬。金。蠲。東。
北。東。陸。鳥。司。開。辛。祈。紺。殿。亥。稽。黛。轉。顯。若。
躬。親。奕。葉。守。北。辰。象。布。令。秋。獨。上。蘭。冬。嬉。太。
液。昭。哉。心。法。耄。期。勤。西北。西。來。福。德。智。
高。六。帝。帝。享。萬。年。年。典。威。禮。隆。臚。舊。政。北。向。
子。臣。民。奉。至。尊。尊。為。衆。父。父。天。符。人。瑞。遂。初。
心。臣。董。誥。奉。
勅。敬。書。鈐。印。二。臣。誥。敬。書。

引首

御筆。臚祥紀實。鈴寶一。古希天子。

鑒藏寶璽。五福五代堂古稀天子寶。吟詠春風裏。
烟雲舒卷。妙意寫清快。人情為田。化工四氣為
全施。學鏡千古。墨雲含英咀華。正有同春樂意。
寓靜觀。摘藻為春。石渠寶笈所藏。

御筆見幾詩 一卷

〔本幅〕蠟牋本。縱一尺一寸一分。橫五尺八寸。

一分。行書。

見幾。嘗讀繫辭傳。見幾曰君子。設其俟終日。

差毫謬千里。馳驛易閩督。往臺灣經理。

上年冬至月。臺

灣逆匪林爽文等糾眾滋事。黃仕簡任承恩帶兵前往勦捕。節次擒去分兵堵禦。零星殺賊。並不知埋根首進。直搗賊巢。余即慮伊二人必有互相觀望。畏縮貽誤之事。於正月初十日。適李侍堯陸見來京。即將伊調任閩浙總督。馳赴福建。辦理一切軍儲事宜。而令常青飛渡臺灣。專

昇以督率勦辦賊匪之任。甫於到臺灣前一日事否鳳山得

復失三千軍敗北。時常青於三月初九日到

兵勦捕南路賊匪。遇賊攻圍。衝截官兵。竟至潰

散。鳳山縣城已經收復。旋又失守。郝壯猷退回

郡城。所帶兵丁三千名。潰回者僅止七百餘名。

郝壯猷及敗殘兵。於初八日陸續至郡城。此總

由黃任簡安坐郡城。調遣失宜。郝壯猷不能督

率奮勇。以致敗衄。其罪實無可逭。並查叅黃任

簡任承恩二人。一南一北。株守遲延。漫無籌畫。

種種誤事之處。果不出朕先幾所料。因降旨將

郝壯猷於軍前即行正法。以為玩誤退縮者戒。

其黃任簡承恩俱行拏問治罪。即授常青為

將軍。令恒瑞藍元枚二人為叅賊勢益猖狂。欲

贊俾事權歸一。得以迅速肅清。賊勢益猖狂。欲

攻郡城。邇設非常青至。事不可知矣。自鳳山復失後賊勢

益為猖獗。乘勢竟犯府城。相距十里之外。設非

常青即時到彼。則黃仕簡尚在彼。以其老病昏

情。一籌莫展。必致為賊人所劫。否則以身殉之。

尚復成何事體。雖么麼小醜。終不難辦理。賊事

但曠日持久。臺郡地方良幸藉老成臣鼓勵士

民為賊蹂躪。益不可問矣。氣起。今日接飛章。戕賊新壁壘。賊黨悔罪。援用

以殺賊匪。常青年逾七十。而精力勇往。到臺灣後節次所奏。經理調度。頗有方略。據

稱南路賊匪攻擾郡城。官兵義民等奮勇勦殺。

新獲二千餘名。經此番大加裁殺。賊勢披靡。郡

城岌岌。固無事。並有賊目莊錫舍帶領二千餘人。

悔罪投降。常青恐其或有挾詐情事。因令殺賊。

自効。方准其降。所辦持重。甚合機宜。一俟續調
粵兵到日。先即統率將南路賊匪掃淨。合兵直
洗大里代賊巢。務將林爽文及餘賊目一併生
擒。以正刑誅。覽奏為之欣慰。此時消息已轉。機
會甚佳。自可計日告嚴。迴思此事轉移之機。實
賴上若默佑。俾予燭及事前。早為調遣。得
以無誤。予惟信賞必罰。慎重嚴明。仰
承助順。佇盼捷音。永靖海疆。耳郡城得以
安。羣賊散披靡。惟待調兵至。賈勇賊巢洗。迴思
轉移間。實賴見幾耳。見幾豈易哉。

吳耽蒙佑啓。貞吉

天助順。誠明傳。

去聲

合旨

繫辭下傳曰。知幾其神。朱

注以為粹豫六二爻義。其爻曰介于石。不終日
貞吉。朱注又以為其德安靜而堅確。蓋訓石之
義。引而未發也。余則以為石喻不動。乃訓誠也。
中庸曰誠則明。明始能見幾。不動而誠則介石
實為見幾之本。若夫石之堅確不動。似與不俟
終日之速有遲。然而不遲也。幾者動之微。吉凶
之先見。苟見幾矣。無以應之。是謂失時。則又予
遲速論所謂兵事宜速之義。然而不基以誠。及

出於明。其失又可勝言哉。由是觀之。子思可謂知易矣。向釋上傳第五章。亦以為與中庸首章有相合者。茲因賦見幾之什。故復闡其義而申論之。乾隆丁未仲夏。御筆鈐寶二。古稀天子之寶。猶日孜孜。

〔引首〕

御筆 燭微成務。鈐寶一。古希天子。

鑒藏寶璽。學鏡千古。寫心寓意于物。石渠寶笈所

藏

7

御筆避暑山莊五福五代堂記 一卷

〔本幅〕蠟牋本。縱一尺一寸三分。橫五尺七寸五分。行書。

避暑山莊五福五代堂記。五福五代堂扁。既以額於寧壽宮之景福宮。茲復額於避暑山莊者何故。敬惟本朝

家法於凡內殿理事處。

御書之扁。莫不歷代撫勒。以誌繼繩。殷志。故正大光

明自

世祖至今四世。勤政殿印。

聖祖至今三世。纂額諸極。是訓是行。章章可考。自

祖書正大光明四字。懸於乾清宮。嗣是聖世

祖書之觀德殿。世宗書之圓明園。余又書

之避暑山莊。勤政殿凡三。在瀛臺者。聖祖

所書。在圓明園者。世宗所書。余於香山靜

宜園及茲避暑山莊亦書之。

予因是而繹思之。正大光明。修

身正心之要。勤政則治國平天下之本也。內外

交助。本末相資。觸於目而斂於心。敢不以是為

棘乎。若夫五福五代之堂。則自余始。余蒙

祖考之佑。

昊天之眷。古稀有七。曾元繞膝。是宜題堂以薌其事。而勵其欽然五福之名。實亦

皇祖昔年所賜

皇考之堂名也。

皇祖御書五福堂扁。賜我

雍和宮及圓明園乾隆丙申。余葺寧壽宮內之景福宮。以待歸政後居之。因為五福頌。書之屏間。至甲辰。余得元孫五代同堂。為古今稀有之瑞。因即景福宮增書五福五代堂之額。誌慶。

五福之義見於景福宮之記。訖不複綴茲特舉
歷世所為正大光明勤政之書以申寓修身正心治
國平天下之訓。蓋守此訓然後可以保五福。是
則相需殷而相得彰。我子孫曾元敬承

天貺。世世書此。必思

祖宗垂訓之意。慄慄危懼。永保

天命。可不體乎。因用此例書五福五代堂之扁以額
於避暑山莊勤政殿之後殿。蓋此山莊即余十

二歲時受

皇祖教養深恩之處也。今得五代同堂。

神御咫尺。有不愉悅而慶幸者乎。則余所以慕

含飴而懼隕越。又豈言辭所能宣述者哉。設余子孫

不負

祖宗垂訓。惟日孜孜。正心修身治國平天下。或邀

天錫。亦得若余五代同堂。而重書五福五代堂之扁

以額各處。又余所永望而不敢或必者也。是為

記。乾隆丁未中秋御筆鈐寶二。古稀天子之寶。猶日孜孜。

引首

御筆。紀祥數典。鈐寶一。古希天子。

鑒藏寶璽五福五代堂古稀天子寶。八徵耄念之寶。几席有餘香。樂意寓靜觀。用筆在心。吟詠春風裏。追琢其章。齊物石渠寶笈所藏。